



Nema nijednog vjernika kojeg zadesi kuga, pa on ostane u tom mjestu, strpi se i nada se nagradi, znajući da će ga zadesiti samo ono što mu je Allah odredio, a da neće za to imati nagradu šehida.

Od Aiše, radijallahu anha, prenosi se da je upitala Allahovog Poslanika, sallallahu alejhi ve sellem, o kugi, pa joj je rekao da je to kazna koju Allah šalje kome On hoće, a učinio je da bude milost vjernicima, jer nema nijednog vjernika kojeg zadesi kuga, pa on ostane u tom mjestu, strpi se i nada se nagradi, znajući da će ga zadesiti samo ono što mu je Allah odredio, a da neće za to imati nagradu šehida.

[Vjerodostojan] [Hadis bilježi imam Buhari]

U hadisu koji prenosi Aiša, radijallahu anha, navodi se da je upitala Allahovog Poslanika, sallallahu alejhi ve sellem, o kugi, pa joj je rekao da je to kazna koju Allah šalje kome hoće od Svojih robova. Pa i kuga, ili bilo koja druga zarazna bolest, kao što je npr. kolera i slično tome, kazna je koju je Allah, džellešanuhu, poslao. Međutim, ta kazna milost je vjerniku, ukoliko se pojavi u njegovom mjestu i on tu ostane, strpi se i nada se nagradi, znajući da će ga zadesiti samo ono što mu je Allah odredio. Allah će mu za to dati nagradu šehida. Abdurrahman b. Avf, radijallahu anhu, prenosi da je Allahov Poslanik, sallallahu alejhi ve sellem, rekao: "Ako čujete da je zavladala kuga u nekom mjestu, ne približavajte mu se, ako se pojavi u mjestu u kojem se vi nalazite, nemojte izlaziti iz tog mjesta bježeći od nje." Ako se pojavi kuga u nekom mjestu, nije nam dozvoljeno da se približavamo tom mjestu, jer je to odvođenje samog sebe u propast (u smrt), međutim, ako se pojavi u mjestu u kojem se nalazimo ne izlazimo iz tog mjesta bježeći od kuge, jer koliko god čovjek bježao od Allahove odredbe koja je zadesila to mjesto, to bježanje ga neće spasiti, jer nema utočišta od Allahove odredbe osim kod Allaha, džellešanuhu. Tajna dobivanja nagrade šehida za onoga ko se strpi kada se pojavi kuga leži u tome da je čovjeku tada njegov život vrijedan i pobjeći će iz straha od kuge. A onaj ko ostane i strpi se nadajući se nagradi, znajući da ga ne može zadesiti osim ono što mu je Allah odredio, zatim u takvom stanju preseli (umre) od kuge, tome će biti upisana nagrada poput nagrade šehida. I to je Allahova blagodat.

النّجّات الخيريّة
ALNAJAT CHARITY

